



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Abati De Cerreto.

urn:nbn:de:hbz:466:1-20006

PRIMICERIO ET CLERO
Mediolanensi.

Epist. 168.
Quod Legatis
& Nuntiis apo-
stolicis ab om-
nibus iusta pro-
curatio debeat
tur.
Cap. Cùm in-
stantia. De cen-
sibus.

Cum instantia nostra quotidiana sit, secundum debitum apostolicæ servitutis, omnium Ecclesiarum sollicitudo continua, quoties ipsarum negotiis promovendis non possumus personaliter imminere, per fratres nostros ea expedire compellimur, quos à nostro latere destinamus; illius exemplum in hac parte secuti qui discipulis suis in mundum universum transmissis, ipse in medio terræ salutem fuit personaliter operatus. Hinc est quod eum nuper dilectum filium B. tituli sancti Petri ad vincula Presbyterum Cardinalem, apostolicæ sedis Legatum, pro negotiis Ecclesiæ in Lombardiam duxerimus destinandum, & is civitatem vestram ingressus procurationes à vobis exigeret, quæ consueverunt apostolicæ sedis Legatis & Nuntiis exhiberi; vos non attendentes quod dicitur ab Apostolo, *Si vobis spiritualia seminavimus, non est magnum si carnalia vestra metamus*, ne vos ad onus procurationis arctaret, nisi à Canonicis majoris Ecclesiæ se faceret antea procurari, sedem apostolicam appellastis, & sicut idem Cardinalis per suas nobis literas intimavit, in aliis etiam non modicum injuriosus fuistis. Propter quod dilecti filij Præpositus sancti Nazarij & A. Canonicus sancti Stephani sindici & procuratores vestri cum dilecto filio Abbate sancti Vincentij ad sedem apostolicam venientes, ut super his statuere ordinem & mensuram ex parte vestra suppliciter postulabant. Licet autem pro eo quod prædicto Cardinali vel potius nobis in ipso contumaciter resistentes, (juxta verbum dominicum: *Qui vos recipit, me recipit: & qui vos spernit, me spernit*) necessaria denegastis, non pro vobis sed contra vos potius meruerint exaudiri; quia tamen paternam affectionem, qua nobis est proprium de Romanæ sedis clementia misereri semper & parcere, offensi etiam deponere non valemus, de consilio fratrum nostrorum taliter in hujusmodi duximus respondendum. Quod cum omnes Ecclesiæ Legatis & Nuntiis apostolicæ sedis procurationes impendere teneantur, ab earum præstatione nullam prorsus volumus haberi excusationem, nisi fortè per speciale privilegium sedis apostolicæ

*In Tertia Col-
lecta. perpetuum

(quod non credimus) sit exempta, etiam si longissimo tempore procurationis obsequium non impenderit, cum in talibus præscriptio sibi locum nequeat vendicare; cum nos à provisione pastoralis sollicitudinis circa omnes Ecclesias nunquam omnino cessemus. Sanè in his exigendis eum modum & ordinem volumus observari, ut nulla Ecclesia vel Prælatus se indebitè pragravari rationabiliter conqueratur. Si verò de communi collecta Legatorum & Nuntiorum nostrorum expensas duxeritis faciendas, quod vobis non duximus inhibendum, ex hoc nobis & nostris nullum præjudicium volumus generari quò minus possint à quocunque maluerint procurationes sibi debitas postulare: ita quòd si ex actus ultra suam gravatus fuerit facultatem, sibi ab aliis restauretur, nuntiis tamen nostris in necessariis exhibendis pareat quicunque fuerit requisitus humiliter & devotè: ita tamen quòd in fraudem nihil penitus attentetur, nec per communes ministros procurationis obsequium, si noluerint, recipere compellantur. Qui verò contumaciter eis duxerit resistendum, omni prorsus appellatione remota per ecclesiasticæ districtiōis sententiam compescatur. Super injuriis autem dicto Cardinali temerè irrogatis volumus & mandamus quatenus ei satisfactionem congruam impendatis; ad quam, si fortè contempseritis exhibere, ipse vos appell. remota compellat. Datum Laterani XII. Kal. Martij.

Scriptum est super hoc B. tt. S. Petri ad vincula Presbyt. Cardin. apostol. sedis Legato.

ABATI DE * CERRETO


Accedentes ad præsentiam nostram dilecti filij Præpositus sancti Nazarij & A. Canonicus sancti Stephani sindici & procuratores dilectorum filiorum Primicerij & Cleri Mediolanensis, de ordinariis majoris Ecclesiæ nobis graviter sunt conquesti, quòd cum ipsi Legatos & Nuntios apostolicæ sedis devotè recipiant & procurent, dicti ordinarij & procurare ipsos renuunt, & procurantibus ad expensas subsidium imperitari. unde Clericis Mediolanen. grave querebatur præjudicium generari. Cum enim per civitatem ipsam sæpe contin-

* In Tertia Col-
lecta. CERRETO.
Epist. 169.
Vt Mediolanensium causam, quare procurationem Legatis negarint, cognoscat.
Cap. Accedentes. De præscriptio-
nibus.

gat transfum facere nostros Nuntios & Legatos, quanto in eorum procuracionibus faciendis pauciores existunt, tanto facientes amplius prægravantur; & quanto per plures onus esset procuracionis divisum, tanto à facientibus facilius portaretur. Qui siquidem ordinarij, cum pro eis & aliis vigilare jugiter non cessemus, & spiritualia, sicut Dominus dederit, omnibus ministrare, cur in hujusmodi speciali se jure satagant tueri, non videtur, præsertim cum & Apostolus dicat, *Si vobis spiritualia seminamus, non est magnum si carnalia vestra metamus*, & instantia nostra quotidiana sit omnium Ecclesiarum sollicitudo continua, sicut plenius norunt præsententes pariter & remoti. Volentes autem ut quod omnibus imminet, ab omnibus comportetur, discretioni tuæ per apostolica scripta præcipiendo mandamus quatenus prædictis ordinariis ad tuam præsentiam convocatis, nisi per speciale privilegium apost. sedis à præstandis procuracionibus ostenderit se immunes, etiamsi longissimo tempore procuracionis obsequium non impenderint, cum in talibus sibi præscriptio locum nequeat vindicare, ipsos ad procuracionis sarcinam ordine debito subeundam appellatione remota teneri decernas. Si quid etiam aliud dicti sindici contra præfatos ordinarios habuerint quæstionis, audias illud, & remoto appell. obstaculo iustitia mediante decidas, faciens quod decreveris per censuram ecclesiasticam firmiter observari. Datum Lat. VII. Kal. Martij.

MAGISTRO ET FRATRIBVS Hospitalis quod Theutonicum appellatur.

Sacrosancta Romana Ecclesia &c. usque ad verbum suscipimus. Specialiter autem ordinationem factam in Ecclesia vestra juxta modum Templariorum in Clericis & Militibus, & ad exemplum Hospitalariorum in pauperibus & infirmis, sicut providè facta est, & à vobis recepta, & hæcenus observata, devotioni vestræ auctoritate apostolica confirmamus, & præsentis scripti pagina communimus. Nulli ergo &c. nostræ protectionis & confirmationis &c. Datum Laterani XI. Kal. Martij.



** PATAVIENSI EPISCOPO.*

Ad nostram noveris audientiam pervenisse quòd in tua diocesi etiam in causis ecclesiasticis consuetudo minùs rationabilis habeatur, quòd cum aliqua causa tractatur ibidem, allegationibus & querelis utriusque partis auditis, à præsentibus, literatis & illiteratis, sapientibus & insipientibus, quid juris sit, quæritur, & quod illi dictaverint, vel aliquis eorum præsentium consilio requisito, pro sententia teneatur. Nos igitur attendentes quòd consuetudo quæ canonicis obviat institutis, nullius debeat esse momenti, cum sententia à non suo iudice lata nullam obtineat firmitatem, ut in causis ecclesiasticis subiectorum tuorum, postquam tibi de meritis earum constiterit, sententiam proferre valeas, sicut ordo postulat rationis, auctoritate tibi præsentium, præmissa consuetudine non obstante, concedimus facultatem. Nulli ergo &c. Datum Laterani XII. Kalendas Martij.

PATAVIENSI EPISCOPO.

Sicut ex parte tua nostro fuit apostolatu referatum, prædecessores nostri felices recordationis Clemens & Celestinus & devotionem tuam & gentis tibi subiectæ duritiam attendentes, ut absolvere ac judicare posses incendiarios in tua diocesi constitutos fraternitati tuæ de benignitate sedis apostolicæ indulerunt. Nos igitur tibi, quem inter fratres & coepiscopos nostros sincera diligimus in Domino caritate, abundantiore deferre volentes honorem, & illud nihilominus attendentes, quòd ex hoc vita hominum facilius corrigatur, ad exemplar eorundem prædecessorum nostrorum potestatem incendiarios tuæ dioecesis absolventi devotioni tuæ auctoritate præsentium indulgemus; nisi fortè tantus sit aliquorum excessus, ut eos oporteat ad sedem apostolicam destinari. Nulli ergo &c. Datum Laterani XI. Kal. Martij.

HENRICO DIACONO.

Cum inter te & Albertum Clericum de Tetingin super Ecclesia sancti Calixti quæstio verteretur, partibus in nostra præsentia constitutis dilectum filium nostrum G. sancti Nicolai

** In Torino Collez. PATAVIENSI Epist. 571. Ut prava iudicandi consuetudo rescindatur. Cap. 3. extra de consuetudine.*

Epist. 572. Datur illi potestas absolvendi incendiarios. In margine epistola 23. remissimus lectorem ad epist. 572. Sed erratum est in numero. Vide epist. 577.

Epist. 573. Ipsi Ecclesiam litigiosam cõfert, adversarioque silentiũ imponit.

Epist. 570. Ordinationem novam ab illis factam confirmat.

am ob- ibus ndi- calis nun- exi- mus zia- bili- nuni no- das, um, udi- pol- tio- ex- ta- ta- pa- mi- na- per ob- pel- du- ap- di- Su- te- nus am- re- III. zri- tatis

0. In- am- ta- ani- io- sis- ra- pli- de- di- or- ve- um- in-